

## Avaefeso

<sup>1</sup> Paulo, avasikhiwa va Yeesu nuogane vamwene o Nguluve, avavekhiwe khumbombo ya hutwa navovo vile Efeso vedesi khwa Kristi. <sup>2</sup> Oluhungo luve hyolyomwe olunchehecho khwa Daada O Yeesu Kristi. <sup>3</sup> Unguluve nu Daada uvakholo deva u Yeesu Kelesti aginiwage vemwene atusayile khulusayo lywa khenumbula khosehemu ya khokyanya kho Yeesu Kelesiti. <sup>4</sup> Wusaheuombiwe chelonga Unguluve ahatchangwile ufye yufye fule nu unonchehencho khwa Khelesiti. Ahatchangwile ufye tuvanchage vavalanche tolekhe ukholaumki khya Kelesiti. <sup>5</sup> Khologano lya Nguluve ahatchangwile ohoma khovotengololo ilitoliwe nuvana vamwene u Yeesu Kelesiti. <sup>6</sup> Amutokeo gamwene Unguluve tuhopa isifa nulohongo nuvotukufu wa mwene. Ekho kihyene ekhokatupile vole huhyela ya ogane vamwene. <sup>7</sup> Ulwakuva hogane vamwene tugomboliwe ukhugendela mkisa yuamwene, olusye helo lya mbivi tulenalyo elyo hosabu ya votayeli walohongo lya mwene. <sup>8</sup> Akavombile olohongo uvo hujili yeto nebusara nu luhara. <sup>9</sup> Unguluve ahovombile uhota uamanyehe hulyofye avolyeli vovwa wofihile no pango, ohohomana novosongo wagati mwa kelesiti. <sup>10</sup> Usehe gotimelie opango gwamwene, Unguluve ilondamanya pupaninye hela henu kya hukinya nehopakanyanya pahelunga igani mwa kelesiti.

11 Usehe ugwa Kelesite tohaviletonchaguliwe nuhosuhudela osehe. Wosangofihe yoni eyeyeho mine nupango uyiwomba ifinu lyoni ifunu vyakuswelu igagane vamwene. <sup>12</sup> Unguluve ahavombile evetovepo ilitowesye uhuvepo ndoginwo lyamwene. Tohale vahyanja uhova na vojasili egati mwa Kelesiti. <sup>13</sup> Yehale enjela ya Kelesiti uhuta mpolehe elimenyu lya lyeli, einjili ya wosiwa wenyu honjela ya Kelesiti. Yehale nohota omuemwe musangini nuhutwa ong'uli gwa Enumbula Ombalanche vyaginwe. <sup>14</sup> Enumbula yasamimi ya uvolisi weto impaha totavale ipaka upo yaha vuvoneha. Eye yehale hosifa yaluginwo iyamwene. <sup>15</sup> Ulwakuva eye, uhuhuma uwuka votopolike uhohusu ulwoleho lyenyo egati mwa Untwa Yeesu ukhuhusu ulogano lyenyo hovoni avatengiwe homwine. <sup>16</sup> Sanene valekhile ukhoginya Unguluve khusababu yenyu nohovataja kholesayo lyango. <sup>17</sup> Nikhovadava ukhuta Unguluve no Daada veto Uyeesu Kelesiti, Udaada va lyodwado, tuhovapa umepo uvaluhara, uluvunchelo lya vofahamu lyamwene. <sup>18</sup> Nidava ukhuta amiho genyo gamunumbula gavehiwe ulumuli hulyomwe ilimo lomanye wowolehu uvojasili wakhyelangiwa hyulwomwe. Nidova mlomanye ohuta uvatayeli wavodwado nuvulisi wa mwene vavo vahatenyiwe hujili ya mwene. <sup>19</sup> Nidova ohota mlomanye uvuvana vosidile ingovu nchizidile egate dwofye tole lenetumaini uvovovaha wohomine nohivomba embombo minyofu ncha mwene.

20 Ngangomaha agavombihe mmbombo ya Kelesiti wakati Unguluve achosinche uhoma huvofye nuhutamuha mwavoho gamwene hohevoha ekhyahege musehemu ya Nguluve. 21 Ahatamih Ukelesiti hyokyanya hutaki huvotawala, nahylalitawa elianchoviwa. ahatamihe Unguluve sio huwakati uwa khosehe ogoguhyi cha leno. 22 Unguluve afidwanchinche paasi pamalonde ga Nguluve ambobile uhuva pakyonya pafinu nyoni mkanisa. 23 Elikanisa khota gombele gwa mwene uvokamilifu wamwene uwowidega ifinu fyoni mjela nchooni.

## Undyango 2

1 Nduvumufwile mumbunanginuvutala nongwa nchienyo. 2 yale muaga ukhuta khtale mwagendaga ukhukongana ni misiekhe gya lhilunga eikhi. Pumwagendaga ukhukongana nuvulogonchi nuva vaha wa mbaha va mumaveingo. Eiyie yu numbula ya ula uvivoomba imbombo muvaana va vugalukhe. 3 Ufwe twivooni khatale twale pupaninie navo avasavikwideekha. Pululikhuvomba khunjila eiyavunogwe uvuvivi gyeito. Putuliekhuvomba nchavunogwe wa mbeili nuvamanya weito. Twaale vakhivumbukhu kya vana avanya huviipo ndavaange. 4 Pakhuva Unguluve adegile uvadekhedekhe ukhukongana nulugano lwa mwene uluhutiliile ulwantuganile ufwe. 5 Useikhe ugutwale mumbufwe mumbutula nongwa weito, akhatugega mumitamile eimipya mugati mwa Kilisite. Luhungu pakhuta

mupokhiwe. <sup>6</sup> Unguluve atunchusinche paninie nukhutuveikha tutamage pupaninie baho pali pakyanya igati mwa Yeesu Ukilisite. <sup>7</sup> Agaile awo ukhuta eimsikhe eigikhiwincha atuvonesye uvukavi vuvaha uwa luhungu lwa mwene. Khutuvonesya ufwe eili khunchila ya luhunga lwa mweene igati mwa Yeesu Ukilisiti. <sup>8</sup> Munduhungu mokhiwe manchila ya lwedeekho ni yie sayuhume khulyafwe. Vuvaonle wa Nguluve. <sup>9</sup> Sayihumile ni mbombo, umunu uviavenchaga, alekhe nu khuveepo na umo uvakhwiginia. <sup>10</sup> Ulwankhuva ufwe tulimbombo ya Nguluve, tupeliwe mwa Yeesu Ukilisite ukhuvoomba imbombo inonu. Nchumbombo inchi inchu Unguluve aviekhile ukhuhuma khatale savali yieto. <sup>11</sup> Puleino mukhumbukhe ukhuta khatale mwale vanu vapanji khimbeili. Pumukhilangiwe- “mwisamuvalanchiwe” khukhila khikyo khikilangiwa kivalanche kya kuvalanchiwa kimbieli ikyukhivoombekha na mavookho ga vanu. <sup>12</sup> Khuseikhi ugwa mwale vatenge kwa Kilisiti. Mwale vagenji khuvana va vaisrael. Mwale vagenji khundano ya lwideehano samwale vamanya vaseikhi ugu gukwincha. Mwale vanchila Nguluve mukhilunga. <sup>13</sup> Puleino ule mwa Yeesu Ukilisite umwe yumwe khatale mwale khutali nu Nguluve muhegelanchiwe kwa Nguluve nu kisa gwa Yeesu Kilisiti. <sup>14</sup> Ulwankuva umwene velunonchencho lweito. Agupelile umbieli ukhuta guve ngamo. Khumbieli gwa mwene alunagile uluviego lwa valenge. <sup>15</sup> Pu akhabeincha indaagilo nu lusutu ni

nyiiho ukhuta ampele umunu umo upya igati mumwene. Pwaka-pela ulunonchehencho. <sup>16</sup> Avombile ewo ukhuta vasayane avafipuga fiviele ifyavaanu ukhva imbileli ngumo kwa Nguluve khunchila ya khidamiliehnie. Khunchile ya khida ya khida milihane avudunchiche uvulugu. <sup>17</sup> Uyeesu ainchila mukhunchova uluno nchehencho lhulyumwe mwimwale khutale nu lunonchehencho khuvala uvuvale pawipi. <sup>18</sup> Pakhuva khunjila eiya Kilisiti ufwe twivavieli tulipapaninie numepo ula Umepo ukhwinyila kwa Daada. <sup>19</sup> Puleino umwe mwivaano vambupanji samulivage nda njiela hange samulievagenchi. Pu muleivanekaya paninie na vala avateenge savuli ya Nguluve hange mulivaanu va munyumba ya Nguluve. <sup>20</sup> Pumunchengiwe mulyutu lwa vavanda na vamalago. Uyeesu Kilisiti yu mwene aleliwe livaha lya palukanji. <sup>21</sup> Mumwene eilichenyo lyooni leilungani nchiwe papaninie ndietembile mugati Mutwa. <sup>22</sup> Mugati mumwene umwe na yumwe munchengiwe papaninie nda ponu apa khutaama pa Nguluve na Mepo umbalanche.

## Undyango 3

<sup>1</sup> Ku njila iya une ne Pavulo ne kungwa va Yeesu kilisite nu nongwa yeno mvi vangapanji. <sup>2</sup> Nikwidika ukhuta mupulike ku mbombo ya luhungu lwa Nguluve uhuamile kwa nongwa yenyo. <sup>3</sup> Nikuvasimbila ukuhumana nu luvonekelo ulaluvonike kulione. Uvu wayilweli uwifihile ulunosimbile kikedebe mu halata

iyinge. <sup>4</sup> Vu vukugakimba aga, vuwyesya ukulumanya uluhala lwango imbuyilweli uwifihile mwa Kilisiti. <sup>5</sup> Infikolo ifinge uvayilweli uvo sawavombeke vumemyikile kuvona va vanu. Pu lino ulo vulipavualafu ku Mempo va vaposihili avimikiwe na vanyamalago. <sup>6</sup> Uvuyilweli uwu wifihile kukuta avanu avanyapanji vupilili vayeto na vafumbwe vayito va mbili. Tumivupieli paninye ni ndagano ya Kilisiti ugendela ndivangili. <sup>7</sup> Mu ile mvile mbombi kuwupi wa luhungu lwa Nguluve uvuhumijiwe kulione mu mbombi ga moka ga mwene. <sup>8</sup> Unguluv ahumije uwipa uwu kulione, sakinu ukuta une nilidebe kuvoni arimikiwe kumbombo ya Nguluve. Uwipa uwu kukuta nonogile ukuvavula uvanyapanji ilivangile nu vutafile uvusavu menyikike mwa Kilisiti. <sup>9</sup> Panogile ukuvamulikila avanu voni ukuhuma nu vufumbwe ivya Nguluve uwefihile. Uvu vufumbwe wa Nguluve uwa waifihile ku miaka mingi imitaji, nu Nguluve uvi apelile ifnu vyoni. <sup>10</sup> Iye yale ukhuta, ukugendela mu pelela, uluhela lwa Nguluve ulu lulipapingi lumanyikike, uludeva na maka kuvukinga ikya Mepo. <sup>11</sup> Aga gale gihuwile mbufumbwe wa siku choni uvu awinuke mugati nu nditavya Iya Yeesu Kilisiti Untwa veto. <sup>12</sup> Ulwakuva mwa Kilisiti tulimuvukifu nu uvuwesyo wa kyingila nu vukifu nu mu ndwidiko kumwene. <sup>13</sup> Pu nikovodova mleke ukugatala ku vuvuilwa wango kwapili yenyo, aga ga vudwadwa wenyo. <sup>14</sup> Ku njila iye nifugama kwa Daada, <sup>15</sup> uvi umwene kila kikolo kukyanya na pakyanya pakilunga vilangiwe ili-

tavya. <sup>16</sup> Nidoova ukuta avape uluhungo, ukuhuma na vudwadwa wamwene, avachingache na maka ukugendela Mempo va mwene, uvi alimwumi mugati ndyumwe. <sup>17</sup> Nidoova ukuta Ukilisite atamage ingati ndyumwe ukugendela mundwidiko. <sup>18</sup> Nidoova muve ni likolo nu wufu lwa lugano lwa mwene. Muve mulugano lwa mwene muwesye ukwelewa, paninie na vadiki voni, nda vuvelile uvutandache, uvutale nu vutale ukwiko nas wa lugano wa Kilisiti. <sup>19</sup> Nidoova ukuta mulomenye uvuvaha wa lugano wa Kilisite, uva vulutelila uvamanyi. Mugahe pu mudichiwe uvugolofu woni uwa Nguluve. <sup>20</sup> Pu lino kumwene uvi vwesya ukuvoneya kila mbombo, kugooni ugo tudoova ano ugotusaga, ugendela mumaka ga mwene ugegivomba imbombo igati ndwifwe. <sup>21</sup> Kumwene kuve nuvudwadwa mugati mu mpelile na mwa Kilisiti Uyesu na Kufivumbuka fyonu uchila lusiku. Amen

## Undyango 4

<sup>1</sup> Ningave ndukhungwa kwa nkhuludeva, nikhuvadova mgendage vule vule nu nienyilango iyo Nguluve avilangile. <sup>2</sup> Mutamage nulwiwiesyo uluvaha nikhisa nukwiyumilinja Muvumbelanilage mundugano. <sup>3</sup> Muvombage mtiigage ukhulolela ulundamano lwa Mepo pwu paninie nu luhungu. <sup>4</sup> Khulimbiele gumo nu Umepo yumo, nduvumukhale mwilangiwe mumbulweli munduhuvilo lwienyo. <sup>5</sup> Hange kivale unkuludeva yumo, ulwidikho lumu, ulwoncho lumu. <sup>6</sup> Nu Nguluve yumo nu Daada va voni. Umwene alipakyanya pa

fyoni, ni fyoni mugaali mu fyoni. <sup>7</sup> Khila munu agaviliwe ikhikungilwa ukhuhongana nei khipimilo kya khikungiliwa kya Kilisiti. <sup>8</sup> Ndu uvusimbe vuwinchova: “Watogile khukya leno, avalongwinche avkungwa mumbu sukwa. Akhahumya afikhungilwa kuvanu.” <sup>9</sup> Khukhuta khikhi ukhuta “Atogile” ulwakhuva pope aleikhile kuluvafu ulunge pasi pakhilunga? <sup>10</sup> Umwene uviaikhilkhile vie munu yuninie uviatogile kuvutali khukyanya ukhilatilila ikyanya nchoni. Avombile eewo ukhuva avonekhage mu finu fyoni. <sup>11</sup> Ukilisite ahuminche ifikungilwa ndifi avasukwa, avanyamalago, avalumbili, navamanyisi. <sup>12</sup> Avombile eiwo pakhuvatanga ukhuvombela imbombo, pakunchenga umbilie ugwa Kilisite. <sup>13</sup> Ivomba iewo pwu ufwe twivoni tufikhe mululandamano ulwa lwediko ulwaluhala lwa mwana va Nguluve. Ivomba eiwo ukhuta tudulukhe avala avalinulwediko ululuti mwa Kilisite. <sup>14</sup> Khuilei tulekhe ukhuva ndavana, tulekhe ukhutagiwa ukwaa nu kwaa. Ulwakuva tulekhe ukhutoliwa khila mepu inchavumanyisi khunumbula imbivi inchavanu munduhala ulwakusyova nukhuyancha. <sup>15</sup> Pivu tulanchova lweli mundugano nukhuhola ukhulutilia munjila nchoni inchagaati mumwene uviintwe, Kilisiti. <sup>16</sup> Ukilisiti atulunganyiche pupaninie mumbili gwoni ugwavankhisisi gulungine pupaninie ni ifilungillo ifya mbili ukuta umbili gwoni ghukulage nukhunchengeka gwene mundugano. <sup>17</sup> Pivu, ninchova, nita, nikhuva simeelincha Muntwa mlageedaga



nda vanu avanyapanji avigeenda mbuvivi mbunangi wa nyala nchavene. <sup>18</sup> Vadeindeliwa ni hisi mumassage gaavavene. Vasweemiwe ukhuma mu wumi wa Nguluve khuvukonyofu uvuvulimugaati muvene kwu vukhafu wa numbula nchavo. <sup>19</sup> Savikhivona soni veheliki vene khuvuvivi kumbombo nchavene imbivi, munongwa nchavo inchikyoyo. <sup>20</sup> Ulwakuva, vusamumanyile eiwo eindageilo incha Kilisiti. <sup>21</sup> Nivona ukhuta mpulikhe inchamwene. Nivona ukuta mkamanyilaga mumwene, nduvu eilweli yilegaati mwa Yeesu. <sup>22</sup> Mfule imbombo nchoni inchikhongana niemigeendelo khyienyo iegyakhatale, uvumunu uwakhatale uwihola khunongwa inchavusyovi. <sup>23</sup> Mfule uvumunu weinyo uwakatale pumuvombelilwe uvupya munumbula inchaluhala lwenyo mumepo. <sup>24</sup> Muvombage eiwo muwesye ukufwala uvumunu uvupya, uvukongana nu Nguluve. Uvumbiwe muwanyilweli nuvuvalanche uwalweli. <sup>25</sup> Ulwakuva, uviekhe khuvutali uvusyovi “Mnchovage uvulweli, khilamunu nuvaleipawipi pamwene,” Ulwakuva tuliepapaninie kilamunu nuninie. <sup>26</sup> Muvinchaga neilyoyo, khange mlekhage ukhuvomba imbivi.” Ukhuma ilinhuva vulihuma ukufika kuvusemo vumunchige nielyoyo. <sup>27</sup> Mlekhe ukumpa usetano unsenkhi. <sup>28</sup> Uviihincha alekhage ukhuhicha khange. Pinogiwa eitangage ukuvomba imbombo. Avombage eimbombo ieyinyalusayo khumavoka gaa mwene, piva wesyage ukhuvomba ukhutangila umunu uvilonda

ukhutangililwa. <sup>29</sup> Einjovele imbivi yilahumag mumilomo gyienyo. pakhuva, amamenyu geinyo gahumaghe mumilomo gyeinyo aghilondiwa mumbunogwe ukhuvapa ifilutilile avipulikheencha. <sup>30</sup> Pivu mulambipi nchaga Umepo umbalanche uva Nguluve. Ulwakuva khumwene mveikhiwe eikhimanyielo kulinchwa ilyavupoki. <sup>31</sup> Muveke pavutali uluvano lyoni, elyoyo, uluvipo, ukhulwa namaduusi, nakhilakheinu eikyavuvivi, mvinchage niekhisa yumwe kwa yumwe. <sup>32</sup> Muvichage neikhisa. Musiekhilanilage yumwe khwa yumwe, nduvuu Nguluve mugaati mwa Kilisiti vuavasyikile umwe.

## Undyango 5

<sup>1</sup> Muve vanu vakhukonga Unguluve, nda vana avagane. <sup>2</sup> Mugendage ndugano, nduvu Uyeesu uvua tuganinee ufwe, akhihumya umwene aihominche nekhelo neinekhelo lukhava lunisi ulunonu hwa khung'ovosya Unguluve. <sup>3</sup> Uvuligu nuvunchavu nuvunogwe uvuvivi vusite ukhunchoviwa khuli umwe nduvu-linogiwa khuvechekhi. <sup>4</sup> naluhi vipeicho lusite ukhuchoviwa. Ni njovele lya khikonyofu, ulubedo lwa khubedana lu hwa sio lunonu, apo luve pulule ulusano. <sup>5</sup> Muwesya ukhuva nu vayehueli ukhuta kuule imbivi nuvuligu, hata uvinogwa uywa ikweisaya mufi hwani inchila vuhale wuwoni mundudeva la Kilisiti nu Nguluve. <sup>6</sup> Umunu vivoni asite ukhukhusiova amamenyu gene pakhuva imbombo ndichi uluvipo lwa Nguluve huiva paki anya pavanu avasapuwkha.

7 Pakhuva sayinogiwa ukhu hanga paninwe navyo. 8 Pakhuva umwe khuvutengulilo mwale va hisi pakhuva lino mlivana va lumuli mwa Daada. Lino mgendage ndavana va lumuli. 9 Pakhuva isekhe ncha lumuli nchi hanjanwa nuvunonu woni ne lweli. 10 Landaga khila ekhikhohovosya khwa Daada. 11 Lusite ukhu-vombekha ululandamano pa mbombo yahisi pavunchia nisekhe pakhuva n'chi va pavu valafu. 12 Pakhuva imbombo n'chi vombekha navene cha sonilel ukhuchichova. 13 Imbombo n'choni in'chi dendulwa nulumuli n'chiva pavu-valafu. 14 Pakhuva khila khinu, khedendumwe nulumuli. Khava ndumuli hata ukhuchova ewo "Sisi mkha uve yuve ugonelile eima ukhuhuma khuvanu avafyile nu Kilisiti ung'ala pakianya paiove." 15 Pu yinogiwa ukhuva miho vumugenda vanu avan'chila luhala mve ndava valinuluhala. 16 Mugupokhe usikhe pakhuva misikhe gyambivi. 17 Msite ukhuva va pehoa, mulumanye vulikhu uwegane wa Daada. 18 Msite ukhugala nuvugeimbe uvu vukhuva helikha khumbivi lino nchen'chiwe Umepo Umbalanche. 19 Mchovage na khila munu nukhwisaya ni nyimbo nukhuginwa ni nyimbo ncha numbula. 20 Mweimbage nukhu g'einywa ne numbula khwa Daada. 21 Emisikhe gioni msanage pambombo khulitawalya Yeesu Kilisiti Daada vito khwa Nguluve. 22 Mwei humyage yumwe khwa yumwe kuusima lya Kilisiti. Mwei vadada mwei humye khuvugosi venyo nda khwa Daada. 23 Pakhuva ugesi intwe gwa dala va mwene, nduvu u Yeesu Kilisiti intwe gwa tembile

vupokhi wa mbili. <sup>24</sup> Nduvu elikanisa vulili pasi pa Kilisiti, vivule na yumwe muivadala muvombage ewo khu vagosi vinyo khukhila mbombo. <sup>25</sup> Mwei vagosi muvagane avadala vinyo nduvu UYeesu aleiganile elikanisa akhuhumya yuywa khunongwaya mwene. <sup>26</sup> Avombile ewo live vunonu. Akaha linoncha nukhulesukha na magasi ga limenyu. <sup>27</sup> Avombile ewo phakuva inogwa ekhweihlikhila upelela Umbalanche, un'chila khinu ikhivivi hwanine nichila ulwakhuva, liva nuvu valan'che uvinchila uvuvi. <sup>28</sup> Khunjila yilayila mweivagosi munogiwa ukhuvagana avadala vinyo ndei mi viligweinyo. Ula uviaganile udala va mwene eiganile yuywa. <sup>29</sup> Asipali nuvali umo uviikhugu kalalila umbili gwa mwene. Ukhugu gwimekha nukhugu no n'cha, nduvu Uyeesu aliganile elikanisa. <sup>30</sup> Pakhuva ufye tulipaninie nu mbeli gwa mwene. <sup>31</sup> “Khululagilo ulu ugosi ukhulekha udadaye nu vanina vikhwibatana nu dala va mwene viva umbili gumo.” <sup>32</sup> ugugwa fihikhe lino nichova Uyesu nelikanisa. <sup>33</sup> Pu apa nita kila munu agane udala va mwene ndu mbili gwa mwene, nayu nayu dala aganage ugosi.

## Undyango 6

<sup>1</sup> Mwivana mwiysisyage khuvavakha vinyo du Daada, ulwakuva uwuwayelweli. <sup>2</sup> “Mdwadage udadayo nuvanyoko vako” (ululwulagilo ulwa kwanda ulunya ndagilo), <sup>3</sup> “muve nuvudekhekhe mtamaa manchuva amingi mkhelunga.” <sup>4</sup> Nayumwe vababa, mlekhe ukhuvanyanchi likhania avana nukhuvapelela

uluvipo, mvalelage avana ndivungu lya Nguluve. <sup>5</sup> Nayumwe vasukhiwa, muve videkhinchi kuvavakha vinyo avapakhilunga nuvudwadi uvuvawa nukhutelemanikha, nuvudunchi uwikhuma munumbula ncheyo. Mwiyesyage kuvene nduwu mukiyisya uwa Kilisiti. <sup>6</sup> Ukwiwisa kweyo kulekhe ukuva kuvavaha viyoo wuvikuvalola nukuhavosya. Vambogelage ninumbula nehiyo nchoni, ulwakuva muombombela unguluva ukuhuma munumbula nchiyo, vavombelage ni numbula nchiyo. <sup>7</sup> Ulwakuhava Unguluve siyo avanu, <sup>8</sup> munogile ukulumanya ukhuta uhila imbombo inonu umunu enchoivomba alakava amahombo ukuhuma kwa Daada, nayumwe vasuhiwa nu dekhe. <sup>9</sup> Nayumwe mwivaha mughahage vulevule kuvasuhiwa vinyo. Mlekhe uvadwadwancha mulumanyage ukhuta Unguluve va kukyanye vavanuvoni. Mulumanye ukuta kusikuli ukugava kugati kumwene. <sup>10</sup> Valume muve na kha umwa Daada, na makha auluma khwa Daada. <sup>11</sup> Mufwalage efilwilo fyoni afya Nguluve, mwese ukwima fivi nuvutulaganogwa wa ntavango. <sup>12</sup> Ulwakuva embancha yetu sio ya nkisa numbeli, eligoha lyakulwa na vatwa na valogonchi va imepo imbivi na vavaha va nkilunga. <sup>13</sup> Lino mufwalage ivifilwelo fyoni ifya Nguluve, ulwakuva mnogiwa ukwima vunono mukavalilo akha akhavivi. Apya mumalie vyoni, mukwema vunonu. <sup>14</sup> Pwulino mwimage vunonu, mugahage ewo mwipinyage utivo ugwa vyayelweli paupipambanga. <sup>15</sup> Muvombage

ewo wumufwalile uwayelweli mumalunde genyo wumulila kulumbelila uluhungu. <sup>16</sup> Pivu yinogwa mutole dlwesigo ulwa lwidikho, lulwa luwesya ukhunchinya umwoto gwa ndugu. <sup>17</sup> Mufwale ekitili kyavupoki nemundu ya Mepo umbalanche, nelumuyu lya Nguruve. <sup>18</sup> Panine nukhudova uluhunga, mudovage Umepo khila neluseuhi. Mumilole mivineliga miocho emiseuhi kyoni, Kwakwiyumilicha kwuni ni nyisayo avampelela voni. <sup>19</sup> Mudovela une wuninogwa ukhunchova mudovage nivuliwe uvunchimu wayelweli iyefinchi iyonchova elimenyu. <sup>20</sup> Kulimenyu une nilimwemelinchi nukungiwe nemilegehe ikyakyuma mgali mvene nienchove khumakha nduwunidayiwa ukhonchova. <sup>21</sup> Nayumwe mulumaye embombo yangu umwunivombela, Tikiko nngane vango vimbombi vinyakhisa khwa kuludeva, ikhuvavula khilakhinu. <sup>22</sup> Nisukhile khulumwe kuvafumbwe uwu pwu mulumaye imbombo ncheho, avanunanchage inumbula ncheyo. <sup>23</sup> Uluhungu luvu kluvalukholo nalugano paninye nulwidiko ulwihuma khwa Nguluve u Daada nu nnnnnnnswambe Yeesu kilisiti. <sup>24</sup> Uluhungu luvu panine na voni avikhugana utwa Yeesu kilisite kulugano lulwa salwifwa.

**Mahanji Bible**  
**The New Testament in the Mahanji dialect of the**  
**Kinga language of Tanzania**

copyright © 2020 Door 43 International Mission Community

Language: Mahanji (Kinga)

Translation by: Door 43 International Mission Community

Contributor: Mahanji TZ, Malila, Ndali, Safwa

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-09-02

---

PDF generated using Haiola and XeLaTeX on 11 Nov 2022 from source files dated 3 Sep 2020

90b863ef-c5fe-5634-9533-e1e4c28371dd